



Inatsisartunut ilaasortaq Malik Berthelsen, Siumut

**Pillugu: Nr. 2011-179, inatsisartut suleriaasiat § 37 naapertorlugu Naalakkersuisunut apeqquteqaat.**

Asasara Malik Berthelsen

Innuttaasut ilungersunartumik nappaammik eqqugaasimasut pillugit ikiorneqarnissaannik periarfissaqarnersut apeqqutinnut qujanaq.

27. sep 2011  
Sagsnr.2011-044582  
Dok. Nr. 731011  
Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: ikinn@nanoq.gl  
www.nanoq.gl

Apeqqutit ukua marluk apeqqutigisimavatit:

1. Nammineq pigisaminnik piginneqatigiilluniluunniit illuutileqatigiinni angerlarsimaffillit, nappaammik ilungersunartumik eqqorneqarsimaneq pissutigalugu sulisinnaajunnaarallarneranni, inigissaminnut akiligassatigut ikiorserneqarsinnanginnerat, innuttaasunik assigiingisitsinertut Naalakkersuisunit isigineqarnerluni?

2. Qulaani ajornartorsiutip taasama allangortinneratigut, tassa Pisortanit ikiorsiissutit pillugit Inatsisartut peqqussutaat nr. 15, 20. november 2006-meersoq aqutugalugu, qulaani pineqartut illugisaminnut akilersuutitut kingusinnerusukkut taarsensorlugit utertinneqartussanik ikiorserneqarsinnaalernerisigut, allaffissornikkut aningaasatigullu kingunerisinnaasai Naalakkersuisunit ilisimaneqarpat?

Apeqqummut 1-imut akissut.

Innuttaasoq nappaammik ilungersunartumik eqqorneqarpat sulisinnaajunnaarallarlunilu, siullermik isummerfiginiarneqassaaq, pineqartoq Inatsisartut peqqussutaanni suliffeqanngikkallarnermi ikiorsiissutit imaluunniit Inatsisartut peqqussutaanni pisortanit ikiorserneqarnissaanut ilaanersoq.

Innuttaasup pisortanit ikiorserneqarsinnaasutut tunngaviusut eqquutippagit, taava tamatuma kingorna naliliiffigineqassaaq, suut qanorlu annertutigisut pisortanit ikiorsiissutit pisinnaanera. Assersuutigalugu pisortanit ikiorsiissutit tunniunneqarsinnaapput nukinginnartumik ima imaluunniit tassangaannartumik innuttaasunut pissakillioortunut inooqatigiinnermi pisimasoqariataarneratigut nappaammik eqqugaanikkut periarfissaarulluinnarsimagaangata pisariaqartunik imminut ilaqqattanulluunniit pisortanit ikiorsiissutinik arlaannik pissarsisinnaajunnaarsimasunut ilaqqattat inuutinniarnannut aamma aningaasartuutitut allanut aalajangersimasunut. Siusinnerusukkut 10. januar 2011 akissutigisimasatsinnut unnersuunneqarputit.

Pisortanit ikiuutisarneq pillugu uuttortaanermi tunniussinermilu inuuniarnermut tunngassutilinni aamma aningaasartuutit aalajangersimasunik tunniussisarnermut

tunngatillugu tamanna ersippoq Inatsisartut peqqussutaanni nr. 15, 20. november 2006-imeersumi § 13, imm. 2-mi. Aalajangersagaq taanna tunngavigalugu pisortanit ikiutisissat inuuniarnermut aningaasartuutnullu aalajangersimasunut tunngasut taamaallaat tunniunneqarsinnaapput pisortanit ikorsiissutinik tiguisinnaatitaasumut ilaqaatasalu inuussutigisinnaasaanik aammali najukkamut akiliutit tulluuttut, allanillu atuinermi aningaasartuutitut aalajangersimasumit.

§ 13, imm. 2-mut oqaaseqaatini erserpoq, taamaallaat "tulluuttumik illumut akiliummik pisortanit ikiutisissutinik tunineqarsinnaasut. Tulluuttumik illumut akiliut paasigallakkat tunngavigalugit tunniunneqassapput ilaqutariit amerlassusii tunngavigalugit ineqartunut naapertuuttoq pisortat inaataanni akiliutaasartut angissusii naapertorlugit ineqartut amerlassusii naapertorlugit inimik ataatsimik amerlanermik nalinginnaasumik illumut akiliummit. Tassa una isumaanngilaq pisortat ikiuutaasa ilaqutariit akiligassaat matussusissagai ilaqutariit angivallaartumi najugaqarpata imaluunniit assersuutigalugu inuk ataaseq, BSU-mi illumi najugaqartoq, piginneqatigiiffimmi imaluunniit allatut nammineq pigisamini najugaqartoq.

Tassa una isumaanngilaq pisortat ikorsiissutaat atorlugit pisortat ikorsiissutaannik pissarsisoq iluanaarutisissanngitsoq, illu kingusinnerusukkut tuniniarniarsimaguniuk. Kommuniq nammineq nalilersussavaa, illumut akiliutissaq qanoq annertutigisoq tunniutissallugu tulluartaunersoq."

Naalakkersuisut qulaani oqaaseqaatit tunngavigalugit iluarinartinneruaat oqassallutik inigisamut akilersuutitut attartorsimasat pisortanit ikorsiissutit tunniunneqarsinnaannginnerat inunnik immikkoortitsinerunngitsoq inatsit pisortanit ikorsiissarneq malillugu.

Apeqquummut 2-mut.

Siunertarineqanngilaq pisortanit ikiutisissarnermi inatsisit malillugit inissianut akiligassanut atukkat akilersorneqarnerinut utertitassanngorlugit ikiuinissamut atukkiissalluni. Tassami kommunip suliaarinngilaa innuttaasunut ataasiakkaanut aningaasanik atortitsisarnissaq. Tamannami aningaaseriveqarnermut attuumassuteqartutut oqaatigineqarsinnaammat.

Inussiarnersumik inuulluaqqusillunga

Mimi Karlsen